

Broj: 07-01-401/24
Sarajevo, 27.9.2024. godine.

**Institucija ombudsmena za ljudska prava Bosne i Hercegovine
Područni ured Sarajevo**

Dubrovačka broj 6, 71 000 Sarajevo

Predmet: Mišljenje, traži se

Poštovani,

Sindikatu su se obratili mnogi stručni saradnici u nastavi u srednjim školama sa zahtjevom zaštite, a u vezi sa Pravilnikom o vođenju evidencije o neprihvatljivim oblicima ponašanja i/ili drugim faktorima koji mogu ugroziti najbolji interes učenika i zaštitu učenika („Službene novine Kantona Sarajevo“, br. 33/24), kojim se predviđa da članovi stručne službe škole vode evidenciju o primijećenim ponašanjima iz člana 6. stav (3) Pravilnika.

Postoji zabrinutost da će se primjenom odredbi ovog pravilnika protiv stručnih saradnika moći pokretati prekršajne i krivične prijave zbog kolizija sa drugim zakonima i konvencijama kojima se štite prava i privatnost djece i omladine.


Navodimo neke od radnji koje bi stručni saradnici u srednjim školama trebali da provode prema navedenom pravilniku:

- Član 8. stavovi (5) i (6) i (11) propisuju čuvanje podataka kao službene tajne uz strogo poštovanje etičkog i strukovnog standarda, te pokretanje postupka utvrđivanja disciplinske odgovornosti stručnih saradnika u slučaju nepostupanja u skladu sa gore navedenim. Važno je napomenuti da Pravilnik propisuje obavezu stručnih saradnika da podatke iz evidencionog lista dostave na zahtjev sljedećim licima/ustanovama: direktoru, Ministarstvu za odgoj i obrazovanje, Institutu za preduniverzitetsko obrazovanje Kantona Sarajevo, Kantonalnoj uprave za inspekcijske poslove. „Službena tajna“ koju dijeli ovoliko lica/predstavnik ustanova više nije službena tajna.
- Pravilnik propisuje i „praćenje“ učenika u cyber-prostor, što stručne saradnike, uz nastavnike koji to trebaju prijaviti, pretvara u uhode i što smatramo da izlazi izvan okvira opisa poslova i stručnih saradnika i nastavnika.
- Nameće im se pribavljanje saglasnosti roditelja za izradu Individualnog plana podrške (IPP) i Individualnog plana brige (IPB). Izrada istih spada u opis posla stručnih saradnika.
- Traži im se da primjenjuju „ozloglašenu i zabranjenu Matricu“ pod drugim imenom. Posljedično, to onemogućava uspostavljanje povjerenja u odnosu stručni saradnik-učenik-roditelj, odnosno obavljanje posla u skladu sa standardima struke.

U skladu sa svim navedenim, tražimo mišljenje u smislu da li su odredbama navedenog pravilnika, stručnim saradnicima u nastavi (pedagog, psiholog, socijalni radnik) propisani poslovi koji su u koliziji sa Zakonom o krivičnom postupku i drugim zakonima koji tretiraju rad sa djecom i omladinom, Konvencijom Ujedinjenih naroda o pravima djeteta, Evropskom konvencijom za

zaštitu ljudskih prava i temeljnih sloboda, Ustavom BiH, jer roditelji već prijete stručnim saradnicima podizanjem krivičnih prijava.

Srdačan pozdrav!



Predsjednik

Admir Suvalić

Dostaviti:

1. Naslovu,
2. a/a

Obala Kulina bana 1, 71 000 Sarajevo, Bosna i Hercegovina

Tel: +387(0)33 217-844, tel/fax: +387(0)33 217-844

E-mail, web: <http://www.ssvoonkbihkoks.com.ba/>

Transakcijski račun: UniCredit Bank dd Sarajevo broj: 3389002206216219

ID broj: 4200168330069